
TOUAZIÈM CHAPIT
Mouin kouè nan Éspri-Sin-an

ATIK 10

« **Mouin kouè péché-yo jouinn padon** »

976 Sinbòl Apot-yo mété lafoua osijè padon péché-yo ansanm ak lafoua nan Éspri-Sin-an, min tou ansanm ak lafoua osijè l'Égliz-la ak kominion sin-yo. Antan Kris-la ki résisité t-ap bay Apot li-yo Éspri-Sin-an, li té ba yo pròp pouvoua li té ginyin pou padoné péché-yo tou : « Résévoua Éspri-Sin-an. Moun-yo n-ap rinmèt péché pa yo, yo rinmèt pou yo, moun-yo n-ap kinbé yo, yo kinbé » (Jn 20, 22-23)

(Dézièm pati Katéchism-nan ap okipé éksplisitman padon péché-yo palintèmediè Batèm-nan, palintèmediè sakréman Pénitans-la ak lòt sakréman-yo, sitou Ékaristi-a. Sé poutèt sa, isit-la sa sifi pou nou fè sonjé rapidman kèk éléman fondamantal).

1263 **I. Yon sèl Batèm pou padon péché-yo**

977 Granmèt nou-an té rataché padon péché-yo ak lafoua-a épi Batèm-nan : « Alé sou tout tè-a, préché Bòn Nouvèl-la bay tout créatu. Moun k-ap kouè épi k-ap batizé, l-ap sové » (Mc 16, 15-16). Batèm-nan sé premié épi prinsipal sakréman pou padon péché-yo, paské li fè nou fè youn ak Kris-la ki mouri poutèt péché nou-yo épi ki résisité pou jistikasion nou-an (cf. Rm 4, 25), pou « konsa tou nou minm n-ap maché nan nouvo lavi-a » (Rm 6, 4).

978 « Lè antan nou fè premié déklarasion lafoua-a yo lavé nou ak batèm ki sakré-a, padon yo ba nou-an tèlman konplè sa fè pa gin okinn péché pou éfasé ankò, ni sa-k orijinèl-la ni sa ki té komèt ak pròp volonté-nou oubyin poutèt omision, ni okinn chatiman pou ékspiasion yo. Min palintèmediè lagras batèm-nan réyéلمان vré pa gin pèsonn moun ki libéré anba tout féblès natu-a : okontrè, [...] chak moun gin pou-l konbat kont mouvman mové anvi-a (konvouatiz-la), ki pa janm sispann pousé nou al nan péché-a » (Catech. R. 1, 11, 3).

1264

979 Nan batay sa-a kont panchan nan mal-la, kilès ki t-a asé vanyan épi vijilan pou-l t-a évité tout kou péché-a ? « Sé poutèt sa kòm li té nésésé pou l'Égliz-la té gin pouvoua padoné péché-yo ak lòt mouayin pasé

- 1446 sakréman batèm-nan, yo té konfié-l klé péyi-roua sièl-yo, pou avèk yo li t-a kapab rinmèt péché chak pénitan, minm si-l t-a péché jous nan dènié jou lavi-l » (Catech. R. 1, 11, 4).
- 980 Palintèmediè sakréman Pénitans-la, moun ki batizé-a kapab rékonsilié
1422-1484 ak Bondié épi ak l'Égliz-la :
- « Sé ak rézon sin Pèr-yo té di Pénitans-la sé “yon batèm doulè” (S. Grégoire de Naz., or. 39, 17 : PG 36, 356A). Sakréman Pénitans sa-a minm nésésè pou moun ki tonbé apré Batèm-nan pou yo kapab sové, minm jan Batèm-nan yé pou sa-k poko gin nouvo nésans-la » (Cc. Trente : DS 1672).

II. Pouvoua klé-yo

- 981 Apré Réziréksion-l nan, Kris-la té voyé Apot li-yo pou yo préché
« pénitans nan non-l ak padon péché-yo nan tout nasion » (Lc 24, 47).
Apot-yo ak siksésè yo, li ba yo « sèvis rékonsiliation » sa-a (2 Co 5, 18),
pou yo akonpli-l non sèlman antan yo anonsé moun-yo padon Bondié-a,
sa Kris-la té mérité pou nou-an, épi antan yo rélé yo nan konvèsion ak nan
1444 lafoua-a, min tou antan yo kominiké ba yo padon péché-yo palintèmediè
Batèm-nan épi antan yo rékonsilié yo avèk Bondié épi avèk l'Égliz-la ak
fòs pouvoua klé-yo li résévoua nan min Kris-la » :
- 553 L'Égliz-la « té résévoua klé Rouayòm sièl-yo, yon fason pou nan li
palintèmediè san Kris-la, antan Éspri-Sin-an ap aji, péché-yo jouinn padon.
Nan l'Égliz-la, nanm-nan ki té mouri poutèt péché-yo vîn réviv pou-l viv
avèk Kris-la ki sové nou ak lagras li-a » (S. Augustin, serm. 214, 11 : PL 38,
1071-1072).
- 982 Pa gin okinn péché, kèlkésoua jan li grav-la, sint Égliz-la pa t-a kapab
1463 padoné-l. « Pa gin pèsoun ki t-a tèlman koupab épi méchan pou si-l
répanti vrèman poutèt èrè li té fè-yo, pou-l pa t-a doué gin espérans asiré
padon-an » (Catech. R. 1, 11, 5). Kris-la ki mouri pou tout moun-yo, vlé
605 pou pòt padon-an toujou ouvri nan l'Égliz li-a pou ninpòt moun ki
rétounin sot nan péché-a » (cf. Mt 18, 21-22).
- 983 Katéchèz-la doué fè éfò pou-l révéyé épi nourri nan fidèl-yo lafoua
1442 osijè grandè kado san parèy Granmèt-la ki résisité-a fè l'Égliz li-a :
mision ak pouvoua pou vrèman rémèt péché-yo palintèmediè ministè
Apot-yo ak siksésè yo.
- 1465 « Granmèt-la vlé pou disip li-yo gin anpil pouvoua, li vlé pou ti sèvitè-l yo fè
nan non-l sa li-minm li té konn fè lè-l té sou tè-a » (S. Ambroise, pœnit. 1,
34 : PL 16, 477A).
- « [Prèt-yo] té résévoua yon pouvoua Bondié pa-t bay ni anj-yo ni arkanj-yo.
[...] Épi tout sa prèt-yo fè anba isit-la, Bondié konfirmé-l anlè-a » (S. Jean
Chrysostome, sac. 3, 5 : PG 48, 643A).

Padon péché-yo, « si-l pa-t nan l'Égliz-la, pa t-ap gin okinn éspérans : si pa-t gin padon péché-yo nan l'Égliz-la, pa t-ap gin okinn éspérans lavi apré-a ak libérasion pou tout tan-an. An nou rann Bondié gras, li-minm ki bay l'Égliz li-a kalité kado sa-a » (S. Augustin, serm. 213, 8 : PL 38, 1064).

RÉZIMÉ

- 984 *Sinbòl-la mété ansanm « padon péché-yo » ak Déklarasion lafoua nan Éspri-Sin-an. Kris-la ki résisité-a réyèlman li konfié pouvoua pou padoné péché-yo bay Apot-yo, lè-l té ba yo Éspri-Sin-an.*
- 985 *Batèm-nan sé premié épi prinsipal sakréman pou padon péché-yo : li fè nou fè youn ak Kris-la ki mouri épi ki résisité-a épi li ba nou Éspri-Sin-an.*
- 986 *Apati volonté Kris-la, l'Égliz-la gin pouvoua padoné péché moun ki batizé-yo, li égzèsé-l nòmalmman palintèmediè Évèk-yo épi prêt-yo nan sakréman Pénitans-la.*
- 987 *« Ni prêt-yo ni sakréman pou padoné péché-yo sé tankou instriman [...] [yo yé], pou Kris Granmèt-la, li-minm ki otè sovè-a épi ki ba nou-l, pou-l réalizé padon péché-yo nan nou épi jistikasion-an » (Catech. R. 1, 11, 6).*

[◀Atik
anvan-an](#)

[Gid jénéral-la](#)

[Atik▶
apré-a](#)